



BIBLIOTEKA


Zakl. Nar. im. Ossolińskich


XVII

2139









HERMES⁰⁷⁵
TRISMEGISTVS⁴⁶¹
VIRTUTI ET HONORI.²⁹
³⁰

Adm. Reuerendi & Clarissimi Dñi
ADAMI OPATOVII,
Sacrae Theologiae Doctoris, Decani S.
Anne.

D V M

Pro loco inter S. Theologiae Doctores, in Academia
Cracouien. obtinendo, de PRÆDESTI-
NATIONE, disputaret.


*M. JACOBO VITELLIO, Philo-
sophiae Professore, Cultus debiti, & obseruantiae
causa, oblatus.*



CRACOVIAE,

In Officina Typographica Francisci Casarij,
Anno Domini, 1628.

18.036



ΕΠΙΓΡΑΦΗ

Εἰς Θεοφραδὴν ἰατροσόφην τῆς ἁγίας
Θεολογίας.

Ἡελίς ἄγλη πολυπάμφαθ' ὥσε κεύθω
Ἀστέρω λάμπει, νυκτελάει ἄνοφερῆν
Οὕτως ἀκρόσοφθ' ἄγῳσι μερόπεσι φαίνει
Καὶ συερῆν ὄρφνῶν, ἔ κατέλειπε νόω
Ὀυρανίαις ἀκτῖσι κατ' αὐγάζων φύσιν ἀνδρῶν.
Ἐκ θεοῦ σέλαός, πάντα ἀδάμασσε φλόγι.



I D E M.

Sp splendore ut nitido, inuestit Sol aureus axem,
Nox subito chlamydem contrahit atra suam.
Sic animos hominum Diuina scientia, postquam
Illuxit, grauibus vindicat ex tenebris.
Cælicolûm radijs lustrans mortalia corda,
Diuinæ lucis, cuncta face edomuit.

XVII - 2139 - II

O D E

076

O D E.
T R I C O L O S
T E T R A S T R O P H O S.

NON frustra Pharijs didita in vrbibus,
Quæ nunc fluctuagus, rura perambulans
Nilus, culta fluentis,
Lambit prata feracibus:
Annorum innumeris, ordinibus loquax,
Antiquum populis, fama Sophum extulit,
Et ter voce Pelasga,
Dixit nomine Maximum.
Quòd cultus hominum, barbarie graues,
Formaret studijs vtilioribus,
Sollérsq; ingenio alto,
Naturæ abdita panderet.
Atq; istis gradibus, quantum homini fuit
Fas, Sanctæ Fidei luminis indigo,
Nitens, & Triados per —
Sanctæ nomina nosceret.
Et caduciferum Graiugeni Hermetem
Mirantur, celebris nomen Atlantidæ,
Qui non cognita Diuum
Terris consilia explicat.

Quem tanta officijs assiduis rotat,
Incumbens vario, turba negotio,
Vt nunquam irrequieto
Somnus lumina flecteret.

Heroâ iste sagax, multioculum caput,
Cum primùm exoculans, contemerat manu,
Monstrorumq; nece Argum,
Prosternens rapit Ionem.

Monstrorum domitor prodigialium,
Quorum tabificâ, & pestifera lue,

Quâ se porrigit vsq;
Orbis perlitus horruit.

Nonnunquam ambiguum, praterentibus;
Hermes monstrat iter, perpetuâ fide

Nè quem deuius error,
Rectâ flectat ab orbitâ.

Αὐτῷ ἡγέμονί ἐστι δ' ὅλην Δεῶν
Εἰς πράξιν προσάγειν τῶν Χθονίων γένεθ

καὶ ἡμῶν βίωσι
Δείξαι τὴν ὁδὸν ἀσφάλῃ

Qui te tam varijs, clarum in adoreis,
Inter promeritæ splendida gloriae
Ornamenta OPATOV

Non limis oculis videt;
Et vitâ, & niueis moribus, ingenij
Quoscunq; ferat, non populariter,
Nec fallente susurro, at
Veris laudibus inclyti:

Exemplar veteris (gloria quem ardua
Sublimem Pharijs vexit in vrbibus)

Tris — praelustre Megisti
Dicet pro merito tuo.

Diuorum ecce tibi consilantium , &
Cætus fatiloqui nuncius alipes,
Cæli proloquio alti,
Tantis cessit honoribus.

Nam decreta Deûm, quæ irremeabili
Postquam edicta semel, lege perenniter
Stant, nec viribus vllis
Cedit sanctio Olympia :

Quæ nigrantibus in nubibus occulens
Æterna astripotens nocte premit Deus,
Vt restinguat auaram,
Scrutari ista Cupidinem.

An non grande Sophos, talia quæ nefas
Effari est homini, scire recludere, &
Sacra silentij
Cautè exfoluere vincula?

Hæc tu multimodis nexibus, admodum
In se se implicita, & cedere nescia,
Vinclis expedis istis,
Cum primum alta Pharos tuæ

Diffulsit populo mentis, & Vnica
Quæ primos aditus, & facilem viam
Fax præluxit, vt omnes
Se se erroribus eximant.

Nam quò cuiq; suus deproperet dies,
Aut quid meta ferat funeris vltima,
Vel quis census in ipsa
Diuorum penetralia.

Hæresne æthereis sedibus, an vagus,
Proscriptusq; suâ de patria, ambulat
Erro, nil miserantis
Orci, victima flebilis.

Hæc obstructa licet victæ silentij,
Robustisq; Deorum excubijs, latent
Ignotis in Olympi
Occultata recessibus.

Hauftâ de superis tu faculâ ignibus,
Vt quondam altiuoli dextra Promethei,
Nè mens palpitet vsquam,
Lucem fideream præis.

Quali, quouè sibi præparet ordine,
Vt quem cælicolûm Rex, Capitolio
Supremo, atq; Deorum
Mensæ, adscribere destinat.

Infectis vitij labe, quid afferat
Cælo affusa potens gratia, desides
Peccatiq; veterno,
Marcentes animos iuuans;

Hocq; vnum studio sollicito exigens,
Olim vt mortifero crimine segreges,
Lautâ & sorte beatos,
Mactet perpete gloriâ.

O quot præcipites excidio vltimo,
 (Non tangenda sibi, vt transfiliunt vada)

Hic altus, sapientis

Gurges consilij, dedit.

Dum infirmo ingenij remige, fluctibus

Tantis se obijciunt, Oceanum malo

Et stultè valido ausu,

Ceu lintre exiguo legunt.

Execrabilis hoc sorptus in æquore

Naturæ ille tenax, & temerarius

Propugnator, in ipsa

Cæcus mente Pelagius.

Sed splenem meruit Democriti & sales,

Cælestis nimium gratiæ, & auxiliij,

Linguâ depopulante, &

Senſu prædo nefarius,

Qui se se artificem iultitiæ insolens,

Virtutisq; suæ iactitat impiè,

Nec cæli indigus, vnus

Ipsè est sufficiens sibi.

At tu, quàm procul his Acroceraunijs,

Multùm & nauifragis à scopulis abes,

Quos sanctæ quatefecit

Doctrinæ, facer impetus.

Excordes etiam nunc violentias,

Insanæ Hæreseos turbam Acheronticam

Aut quicquid documentis

Castis, obuiat obteris.

Nodos difficiles, vt vel Achilleâ
Te coram videas implicitos manu,
Doctè exsoluis, & istud
Intra claustra modestiæ.
Maçte hac percelebri laudis adoreâ
Cum merces tibi nunc splendida congruit,
Virtuti & decora ampla,
Magnis parta laboribus.
Te nunc Vranix fama scientiæ,
Curru per populos ducet eburneo,
Et nunquam morituris,
Lenè affabit honoribus.
Quod sublime tui nominis effedum,
Vertat suauiter, hoc ex animo precor,
Te illimisq; per omnes
Annos, gloria sospitet.



לְכַזֹּר וּלְתַפְאֶרֶת

הָאָרֶץ אֶרֶם אֶפְסָאוּיִים

מִעֲלֵתוֹ הַיְקָרָה הַרְבַּרְסִים הַקְּחוּשֵׁי יַדְעֵר עֵרֶת

מִפְּאֶרֶת הַטְּאֵלִי

וְקָרְנֵי גִדּוֹל נִיחַן זֶה עִם לְמַעַן הַכְּמִיתֵךְ הַנְּבוֹנָה הַגְּדוֹלָה

הָאָרֶץ אֶפְסָאוּיִים הַעֲזֵרָה לְמַעַלְהָ אַתָּה טוֹב וְיִשְׂרָאֵל

בְּהֵן וּמִלְמַד מֵאֵד בְּחִכְמָה הַמְּחִלְלָה אַתָּה רֵאשִׁית לְחַבְדֵּי מִיָּם

הַשְּׁלֵמִים חֲזוֹן שְׂבִיבֵי מֵרָאשֵׁינָה בְּמַעַלְהָ

לִבְנֵי נִתְגִּי לְךָ הַיּוֹם אֶת עֲטֶרֶת הַיְקָרָה

לְמַעַן גִּדּוֹל תִּבְנוֹתֶיךָ הַמְּאִירָת

יְהִי חֵיקֶךָ בְּרִיל עֵת מְאוֹשֶׁרָה




ΤΟΥ ΑΥΤΟΥ ΕΞΗΓΗΣΙΣ


Honori & Ornamento.

*Adm. Rñdi D. ADAMI OPATOVII,
Doctōris Clariss: & peritiss: Sanctæ scientiæ
Theologiæ.*

F Ama tua, & probitas, tantum spectata OPATOVII,
Palladij quam non tacuere Viri.
Factis & dictis idem, exemploq; Sacerdos,
Virtute, & studio, præmium vtrinq; tenes.
Dumq; labore tibi quæsitus honos, vt eundem
Omnibus aucta bonis, fors foueat, vouco.

6149
28





6143

28

